


皇朝實錄



冊四十

大清世祖體天隆運英睿欽文大德弘功至仁純孝
章皇帝實錄卷之二十

順治二年八月庚辰朔

禮科給事中梁維本奏六科之設職在審詳封駁
釐弊糾貪而職掌未明諸臣不無瞻顧伏乞敕下
吏科察煇會典將六垣職掌詳列奏明或有鍼嘿
徇私自難逃于考功之法報可 戶科給事中杜
立德言治平之道有三一曰敬天人君為天之子
當修省以迓天休今秦晉燕畿水旱風雹天心示
儆不得以歲稔為常凡開誠布公懋德敦行皆敬

天事也一曰法古：者事之鑑也書曰監于先王
成憲其永無愆凡建學明倫維風善俗皆法古事
也一曰愛人大臣腹心羣臣手足百姓赤子凡親
賢納諫尚德緩刑皆愛人事也得旨這所奏有裨
治理知道了該部知道 禮科給事中梁維本請
隆

聖學以廣典禮御經筵以精學問庶几事理緝熙太
平可端拱而成疏入報聞

辛巳

諭兵部曰內大臣何洛會等殘滅列洪起所獲金

珠可令解京其銀兩杯盤等物交與巡撫羅鏐錦
留充兵餉俘獲人口照例給賞登城被傷之人其
餘財物賞給甲兵抬抬李好事竣作楚仍赴西安

以明錦衣衛指揮包泰亨為湖廣掌印都司都
司李正芳為河南掌印都司：：管叅將事袁捷
為湖廣掌印都司 免直隸琪州順義香何宝坻
新城永清東安固安等縣本年水災額賦 禮部
會同內院以內外職官送子監事具題得旨文官
在京四品以上在外三品以上武官二品以上俱
着送一子入監讀書其有過犯者如送子入監在

前仍准面監如在後不准無子者將親孫及兄弟之子送監此外遠支者不准除所定品級外有入監在先者仍准留監如有事故不准補送

壬午

升山東泰安州、同于清廉為山西按察司余事保定兵備道永平州、判徐為卿為山西按察司余事薊州兵備道牛秉章京呂逢春為山東按察司付使山海關道以故明川北道叅議王鼎鎮為江南按察司付使駟傳道命內翰林弘文院侍讀朱之後內翰林秘書院檢討羅憲汶為順天鄉

鄉試主考官

癸未

靖遠大將軍和碩英親王阿濟格師還至芦溝橋攝政王令學士伊嵩等往諭曰爾等有罪應設處故不遣人迎接爾等可至午門會齊後即各歸家于是英親王偕諸王貝勒貝子固山額真等入城至午門會集俱各歸家

乙酉

以祝萬年為兵部啟心節賜溫卜達爾漢卓札克烏蟒緞戒補片金綢緞以歸化城土默特部

落一寺梅勒章京占祿格効力有年升為三寺昂
和章京賜珠項貂帽朝衣玉帶甲胄弓矢銀兩等
物免河南彰德衛輝懷慶河南四府本年荒殘
額賦

丁亥遣大學士李建泰祭

先師孔子

戊子

太宗文皇帝忌辰遣官祭

昭陵遣尚書星內祭

大社

大稷

己丑

靖遠大將軍和碩英親王阿濟格率出征諸王貝
勒貝子大臣寺及投誠故明寧南侯左夢庚等
陛見行礼畢宴于午門內仍賜知順王尚可喜平西
王吳三桂金繡朝衣各一襲馬各二匹賜科尔沁
國及阿坦孩扎魯特鄂尔多斯郭尔羅斯土默特
巴林四子札賴、烏朱穆秦薩尼忒翁牛忒喀喇
沁吳喇教漢柰曼等部落王台吉岡山額真梅勒
章京等金衣朝衣綉緞弓馬等物有差故明署

總兵官高進進率副將黃宗琇張國柱等六十餘員奏本月十一日差官賞奉勅諭到島臣率衆迎接開讀今遵旨北征船隻必由水陸馬匹必由陸路以万余兵丁三千馬匹而涉二千里之遙必領支用錢食臣欲就近于海川贛榆安東地取給又念民等率領兵丁不費一矢識時投順非戰功可比更祈明降

上諭授為某官是何品級官有爵祿之養兵不難于生計臣與御史蘇京王燮畊桑衣食愿永為太平之民疏入得旨據爾等疏奏甚不合理詔書一到

即當剃頭來歸為何竊拋島中求加職銜索討錢糧殊非歸順之體朕思服人者以德豈肯听妄言要挾以示招抚尔等或未識我大清大義大信以致如此妄言又聞尔等與劉澤清互相角抗以致半離今澤清已抒誠歸順尔等毋謂其挾仇懷恨妄生疑揣向者淮安差人捶殺之事一概赦免不復追論此諭一到即行剃頭携尔等家口赴天津登岸來歸朝廷錄功懷遠量加優叙必不食言

庚寅

太祖武皇帝忌辰遣官祭

福陵 戶科給事中杜立德言閣臣馮銓所行弗類
諸臣其寔以告非私論也將逾旬日未蒙鑒裁內
外大小羣情洶々繼後有係天下國家大事者誰
敢再出一語將

皇上之耳目不明而人臣直言之氣不鼓如是非何
如彰瘴何祈令滿漢大臣朝堂共論庶几公論克
揚而法守允垂况如馬士英阮大鍼招叔納賄弄
君鼓掌宋企郊煽惑流毒神人共憤乃任其道而
不知捕諱其跡而為之荐皆非所以示公道昭大
叔請裁定憲邪早舒洵訟則則真才輩出清平可

立慶矣下所司知之

癸巳

免直隸真定順德廣平大名四府本年分水災額
賦

丙申

先是給事中許作梅莊憲祖杜立德御史王守履
李森先羅國士鄧孚懷吳達達等交章劾內弘文
院大學士馮銓原係故明天啟閣寺魏忠賢黨羽
曾向大同總兵官姜瓖索銀三萬兩向江禹緒索
金一百兩其子源淮又設有饌于內院宴飲禮部

左侍郎孫之獬受源准賄遂收為伊標中軍又禮部侍郎李若琳係銓黨羽其人庸懦無行俱宜罷黜究治請將馮銓父子肆諸市朝疏入詔刑部確訊具奏至是刑部以鞠問無寔擬科道各官俱反坐啟攝政王、于重華殿傳集內院大學士等官及刑部科道各官逐一鞠問所劾馮銓孫之獬李若琳各款俱無寔跡自馮銓自投誠後雜髮勤戩孫之獬于衆人未雜髮之前即行雜髮奉家男婦皆效滿裝李若琳亦先雜髮故結黨同謀陷害于是攝政王諭王故明諸臣各立黨羽連章陳奏陷

害忠良无辜被罰無功濫用釀成福患以致明亡今尔科道各官如何仍蹈故明陋習陷害无辜掘尔等所劾三人皆係恪遵本朝法度者即此足見尔等結黨謀害給事中龔鼎孳對曰馮銓乃背負天啟党附魏忠賢作惡之人銓曰忠賢作惡故尔正法前此銓即具疏告歸里田如銓果係魏党何為不行誅戮又何為不行治罪流賊李自成將我故主崇禎陷害竊取神器鼎孳何反順陷害君父之李賊竟為北城御史王曰此言寔否鼎孳曰寔豈止鼎孳一人何人不曾歸順魏微亦曾歸順唐

太宗王笑曰人果自立忠貞然後可以責人已身不正何以責人鼎彝自比魏徵以李賊比唐太宗殊為可耻似此等入何得侈口論人但縮頭靜坐以免人言可也既而又曰此遭姑沒寬免尔等罪如再蹈故明陋習不加改悔定不尔貸後教日王以李森先啟內請將馮銓父子肆諸市朝之語逆甚令草森先取

丁酉

賜鄂尔多斯部落陶蔭台吉甲弓撒袋朝衣等物

戊戌

席北部著額爾格諾進貢方物宴賚如例 平西

王吳三桂奏臣下遠衆原蒙隆恩准以錦義寧遠

中後所給臣安插後內院傳出蒙州地主尚田收

馬將寧錦中右中後前屯中前給臣安插人民又

按丁給地五晌查各所房屋灰燼地土瘠窪仰祈

增給故撥又臣所統將吏關門血戰追勦慶都均

有微功未蒙叙升加恩世襲乞施恩典用勸將來

更有請者臣傾心勦寇守關不遇臣子取久荷蒙

聖恩特授王爵又復蒙恩加稱親王萬難祇承伏息

允辭親字以安愚乞奏入下所司速議

己亥

遣蝦阿晉托克退墨勒根等迎定國大將軍和碩
豫親王多鐸

庚子

以故二寺甲喇章京範承先子敬襲職

辛丑

諭戶部曰近聞東來人等以賣參為名擾害地方
原令炭察究治但人民全賴經商為業難以禁其
貿易應定例令各遵守今後有欲買參者着于江
寧揚州濟寧臨清四處開肆公平貿易至于滿漢

販賣所從其便毋得禁止有不公平交易擅行搶
奪而不情愿虧價程賣者該地方官即將搶奪之
人捉拿解京以憑治罪如不將原人解京死故空
行其通政司毋得封進爾部即可傳知 授授誠
委鎮荊州鄭四維為署副將仍駐防荊州

癸卯

以編修額爾濟為內秘書院侍讀 陞通政使
司左通使孫承偉為太常寺卿

乙巳

諭內外大小衙門曰一應題奏本章非經奉旨下

部不許擅以揭帖先行發抄甚有原無本章徃以私揭妄付報抄傳者尤宜嚴禁除已徃如不追論後有過犯者所通政司六科衙門將本官及本報房人役察明奏治如倘隱徇不奉朝廷別有訪聞定行一体察究

丙午

遣尚書覺羅訥丘祭

歷代帝王 遣官祭城隍之神 喀爾喀部落古倫迪瓦庫土克為喇嘛及石勒圖庫土克為寺來貢駝馬歸儀城土默特部落梅勒章京古祿格加

昂邦章京來貢駝馬喀爾喀部落馬哈撒馬第汗寺遣使貢馬俱宴賚如例 梅勒章京冷代奏江西總兵金聲桓征討孟王陣獲叛官王莽正寺六員鍾祥玉朱慈若寺九人隨同文武各官審宴將叛官正法其故王皆哀殘廢棄或應祭原籍姑存餘喘以彰我

朝浩蕩之仁疏入命將故明諸王無論大小俱着赴京朝見

丁未

議和碩英親王阿濟格等罪先是英親王出征事

脅巡抚李鑑釋免逮問赤城道朱壽奎又擅至鄂
尔多斯土默特地方取馬至其師還議罪應削王
爵奪所屬僕衆量給人役以供使今又以前遣東
阿賴賚諭令固山額真譚泰会同蘇章京釐拜巴
噶魯額色恭將英王稱

上為孺子之語集衆傳示並持諭之示王譚泰竟徇
王情面云縱令扞政王見罪我一刀擔當並未傳
示又擅至鄂尔多斯土默特地方索取馬匹應將
譚泰革職及沒其家存其夫婦蘇章京釐拜巴噶
魯所信譚泰不行集衆傳示諭詞應革職罰銀一

百兩學士額色恭回條內院官原令隨征不時啟
發王意既命白王集衆傳示乃竟信譚泰不遵諭
行應革職鞭一百啟知攝政王輔政王將英親王
降為郡王罰銀五十兩固山額真譚太削公爵降
為昂邦章京解固山額真任贖身蘇章京釐拜巴
噶魯罰銀一百兩其此番功績不許叙議學士額
色恭鞭一百折贖 昂邦章京譚泰訐告昂邦章
京索尼當

聖駕既至未發兵以前兩翼大臣及蝦等會議席諾
布庫房屋吏部尚書宗室鞏阿岱謂索尼云兵部

謀叙擊流賊克北京功牌將移送于我部索尼答云斯克北京空城耳流賊尚存何功之有尔時泰遂告于蘇章京土賴我兩人曰于衆人前謂索尼云功之叙否可任尔意乎此等奉動似局無主尔亦太甚矣索尼答云我原無成見随口說出若一發覺其何能免索尼又令黑遊擊于內庫鼓琴又于禁門前石橋下令伊家人捕魚二次又同蝦巴泰傳優人演戲後于朝門內衆人前給贊又於庫院內喂馬又以箸擊朝門前所設鼓作戲又謂泰曾向蘇章京土賴欲求所賜公主園蘇章京至盛

京曾教其事為位教行下若果如此言則大帥出征豈即在

聖駕入京之次日即遲之既久而後啟行尔時蘇章京及索尼与泰俱在何所待而不言乎泰出征時不受伊所遺馬伊遂垂淚向泰云尔即不乘可與從人乘竟以遺泰伊既以泰為背主何為復遺以馬又何為將去歲背主之罪遲至今與出征罪併議耶既訟之法司曰訊克北京空城何功之語索尼云鞏阿岱曾謂我言今有移咨欲于未出征前叙功約我同往途中曰我言未出征之前何暇

叙功班師后再叙如何冷僧机遂言出征有功則已倘或有失其人何辜我云追勦流賊万一失利又何功之有至于譚同土賴于衆人前問我時我答以原与尚書相戲妄言不意伊等由心至此并無空城之語又訊令人鼓琴一事索尼云併不令人鼓琴作樂黑遊擊使人向我求好琴原与伊銅琴一張黑遊擊於琴上加絃親携來云此琴不好旧琴有新絃者為佳遂于庫內徧覽並無絃旧琴于是取一有絃漆琴与之黑遊擊鼓而試之其音頗佳遂將去此非我一人所為彼向冷僧机及衆

人前來索衆皆目擊与之于是訊黑遊擊言原求庫內好琴因索銅琴一張令我上絃後仍携去我恐其令我鼓琴遂將已琴二張携至索尼處彼遂問銅琴何如我云雖美現而無音彼又問彼一琴何來對以已琴遂令我鼓之罷我向彼求新絃旧琴彼遂取骨雕花琴一張与我因絃鬆不能鼓遂携琴而歸又訊捕魚一事索尼云因見水中有鯽魚令捕之是寔然非我獨為也尔時錫翰鞞阿岱亦曾令家人捕魚因訊錫翰鞞阿岱言捕魚是寔又訊傳優演戲一事索尼言我因子病暫往水舍

時巴泰來言對門有偶戲我因同往賞錢而歸並無特令演戲事因訊巴泰供亦張如之次日索尼又言昨日所供誤矣乃下直時同蝦德馬護巴哈巴泰途間遇見乘便現之耳因訊德馬護巴哈俱亦如之又訊喂馬一事索尼言庫門俱已封鎖因見院中有青草遂令家人放馬一次又訊以箸擊鼓作戲一事索尼云此鼓今尚在朝門並曾以箸作戲一于煤山一于御花園擊小鼓作戲是宴時有錫翰為証訊之言索尼曾云此際不暇叙功欲追擊流賊彼時蘇章京土賴向我及衆人云尔等

既聞此等語何為嘿々無言我云並無此語使我云何訊鞫阿岱言今去追勦流賊班師後一併叙功之言是宴克北京空城流賊尚存何功之語不知也冷稽机言並無空城語原說尚有餘賊俟追勦班師日一併叙議是宴我曾言今日不叙万一此番有罪无功其人何辜時土賴造至遂唾而責之索尼對云言方及半而遽答故不覓信口而出耳鼓琴一事供与索尼同記尔多濟德赤嘿言原說克北京空城流賊尚存勦滅後叙功是宴並無何功之語尔時蘇章京土賴來問索尼云死之我

言尔既已說出為何云死索尼對云尔等豈不知我随口乱言耶訊鰲拜巴圖魯言彼原說今去追勦流賊何暇叙功班師後一併議叙是實土賴來問時曾對以尔等以為非而非矣其克北京空城何功反若答竟我何能免之語我不記得公答詹言我會議席諾布庫器四索尼所言我不知後土賴來問時索尼曾對云我無意随口說出尔等豈不知耶于是法師審擬索尼坐令黑遊擊于庫內鼓琴罪一庫院內喂馬罪一禁城內捕魚罪一規偶戲賞錢罪一索尼應死冷僧机坐同索尼令黑

遊吉于庫內鼓琴罪一縱容索尼于庫內喂馬罪一問以索尼所言克北京空城流賊尚存何功之語狗庇不從實供証罪一冷僧机應革職藉沒不許出入

大內巴泰坐稱替偶戲同索尼往規賞錢巴泰應削職並革蝦員鞭一百貫耳鼻不許出入

大內鞏阿岱錫翰坐令人于禁城內捕魚罪一問以索尼所言克北京空城流賊尚存何功之語云並無此言狗庇索尼罪一鞏阿岱應削職併革尚書任錫翰應削職併革內大臣任令贖身不許出入

大內公荅詹坐訊以索尼所言克北京空城流賊尚
存何功之語先供不曾所見後又云蠶章京土賴
來問時有出征等語但聞索尼對云尔等豈不知
我無意随口說出亦為狗庇索尼故先言不知後
又言曾聞無意說出尔等豈不知之語荅詹應削
公爵降為昂邦章京罰銀一百兩鰲拜巴圖魯坐
訊以索尼所言克北京空城流賊尚存何供之語
供稱原說去追流賊何暇叙功班師後一併叙議
蠶章京土賴未問時尔等以為非即非至所克北
京空城何功之語及尔等若一夸覓我何能免等

語云不曾所見一議將鰲拜巴圖魯草半個前程
罰銀百兩又議巴哈德馬護同去現偶戲俱應草
賊鞭一百不許出入

大內啟知攝政王輔政王、諭索尼應擬處死無赦
念于

朝廷効力有羊姑免死草賊并牛录任永不叙用着
當差冷僧机翠阿岱錫翰鰲拜巴圖魯荅詹巴泰
巴哈德馬依擬姑免罪

戊申

賜大學士馮銓一品頂帽一頂帶一圍李達泰二

品頂帽一頂帶一圍各貂皮朝衣一襲藍蟒朝衣
一襲貂皮褂一件

九月己酉朔

允戶部請給恭順侯吳惟華俸祿照故明例每年
米二百石銀三百五十兩刑部左侍郎党崇雅
為科臣莊憲祖所劾具疏乞休溫旨慰留之

庚戌

多羅英郡王阿濟格以出征所獲金銀珠緞奇物
進

上命以蟒緞賜攝政王輔政王及諸王公以金銀賜

出征多羅衍禧郡王羅洛宏固山貝子滿達海博
和托吞齊哈平西王吳三桂智順王尚可喜及從
征各官有差

浙閩總督張存仁奏報叛賊方安固王之仁從富
陽渡江犯杭城遣付將張杰王定國督兵往勦斬
首四十級餘賊復盤踞富陽又令定國往餘杭防
勦至閩頭遇賊對壘我師奮勇掩殺追至小嶺二
十餘里斬獲甚多陣擒固安子士衍等斬之疏下
兵部鎮守保德州等處總兵官唐通以地方已
平請赴京

陛見允之

辛亥

遣固倫公主及固倫額駙巴雅斯護朗歸其國
以一等昂邦章京德生濟望誣告以濟降為三等
昂邦章京

壬子

命吏部員外郎范士楫中書舍人上官鉉為陝西
鄉試主考官 予故總兵馬科登六壇 山西巡
按黃徽胤疏荐故明御史楊四重郎中劉桓等十
六人章下所司

癸丑

遣鎮國公傅勒赤輔國公札哈納等率官軍益江
南駐防兵 命故科尔沁國札薩克高郡王卜塔
齊子拜思噶爾襲職

甲寅

科尔沁國和碩卓礼克高親王吳克善多羅巴高
魯郡王滿朱習礼同其祖母和碩福妃母和碩賢
妃來朝攝政王多尔袞輔政王濟尔哈朗率諸王
大臣迎之入 賜山東招撫侍郎王鰲永標下殉
難官胡士衡子孝楊搜子震銀各五十兩

乙卯

以鑲紅旗滿洲固山法都為守紫禁城門鳴喇昂
邦正藍旗滿洲固山蝦席伯臣為鳴布什賢章京
以故二等甲喇章京艾布弟新太三等甲喇章
京麻克高孫諾莫渾牛录章京艾尹布子阿山致
仕三等甲喇章京黑際盛子效祖各襲職 淮揚
巡按姜金胤奏報蕭縣渠寇徐庫等擒章下所司
丁巳

以故札忒部落孟和達爾漢和碩齊子塞稜襲札
薩克貝勒爵 河南巡撫羅綉錦報故明懷安王

來歸命察宴起送來京

戊午

甘肅巡按魏瑄疏荐故明刑科給事中郭克驛傳
道齊之宸章下所司 戶部請照輔國將軍例歲
給故明代王嫡孫瞻養銀二百兩命照鎮國將軍
例給銀三百兩 山東巡按李之奇疏荐故明余
事牛蕃員外郎陳辰誦等七人章下所司

庚申

命翰林院弘文院檢討劉肇國內翰林國史院
檢討成克鞏為試鄉江南鄉試主考官 調河

南大梁道李芳蘊為睢陳道直隸密雲道方大猷
為河南管河道原任充西道章玉天仍補原缺督
理河工以摠河楊方輿荐其練習河務故也

辛酉

鎮守蘆鳳等府固山額真準塔等奏報故明新昌
王潛避海島雲台山聚眾作亂攻陷興化縣官兵
進勦破其巢穴斬首三千級獲新昌于淮安斬之
章下所司

壬戌

賜科爾沁國札薩克高郡王拜思噶爾弓矢朝衣

蟒緞

癸亥

列刻大霧色青赤

湖廣道御史盧傳言創業之初用舍宜慎聞江南
投順官次第畢集請急定銓法新自去年三月以
前者為故明旧臣三月以後者率皆福王新用之
人賄賂鑽營難為確據宜仍查旧冊履歷補以原
職不得任其冒濫以開倖端章下所司

甲子

諭戶部曰河間涿州遵化等府州縣凡無主之地
查明給與八旗下耕種其故明公侯伯駙馬皇親

太監地酌照家口給發水餘給八旗

丙寅

改江南武鄉試期于三年二月以文闈在本年十月也 戶部啟心郎李天澤刑部啟心郎王舜坐審寶坻縣民王煒續撥地事互相庇護禡職 已巳

賜科爾沁固和碩福妃和碩賢妃及和碩卓禮克噶親王吳克善多羅巴噶魯郡王滿朱習札奇宴諭戶兵二部曰近來土賊竊發民不聊生如直隸順德府山東濟南府德州臨清州江北徐州山

西路安府平陽府蒲州八處着滿洲統兵駐劄務期勤抚得宜以安百姓以上八處駐劄滿兵着給以無主房地其故明公侯伯駙馬太監地察明量給原主水餘給滿洲兵丁 以甲喇章京劉良臣為署都督僉事管山西寧武關副將事 先是每牛录各取官官學生一名以十名習漢書餘習滿書至是禮部奏請增額每牛录增取二名于原額習漢書十名外加用十名餘俱習滿書

庚午

海寇田仰寇福山江寧巡抚土國寶率付將曹虎

等擊敗之搜聞章下所司 大同府電 升內翰
林秘書院檢討羅汝憲為國子監司業史料給事
中陰澗為本科右給事中轉吏科右給事中孫襄
為本科左給事中兵科右給事中郝傑為本科左
給事中工科右給事中孟明轉為本科左給事中
補原任戶科給事中楊時化原官 升太常寺少
卿戴明說大理寺少卿禮科都給事中龔鼎孳為
太常寺少卿河南道御史柳寅東為太僕寺少卿
以漢中投誠總兵賀珍禦賊有功授為定西前
將軍

士申

刑部等衙門會鞠憲臣劉漢儒所劾沈宜各款言
沈宜由貢考職有部咨可據錢錫爵原未與考則
無代筆之事可知沈永寧沈元禎原非沈僕冒選
其他諸款亦俱無實証沈宜應還職改選錫爵元
禎仍復任餘俱應釋放從之 宣府巡撫李鑑坐
與霍然守備有隙故令然變賣倉米部議褫職詔
降總督賤以巡撫用 江寧巡撫土國寶自以武
夫不堪巡撫重任疏請罷職不允 賜撰

福陵

昭陵香冊香寶竝

太廟玉冊玉寶內院大學士剛林等及筆帖式等銀幣有差

乙亥

孝慈武皇后忌辰遣官祭

福陵 定讀祝官為五品

丁丑

招撫江南大學士洪承疇奏報江南、昌南康九江瑞州撫州饒州臨江吉安廣信建昌袁州及江南徽寧等府俱平洪承疇又奏湖廣撫降侯田見

秀義侯張為棉侯袁宗第赴省投誠命照恩詔事例免罪錄用 喀爾喀部落土謝番汗遣使貢馬宴賚如例



大清世祖翊天隆運英睿欽文大德弘功至仁純孝
章皇帝實錄卷之二十一

順治二年冬十月己卯朔 享

太廟遣戶部尚書英俄爾岱行礼

上躬祀

堂子 頒旨憲曆 順天府舉行鄉飲酒禮 以甲

喇章京劉武元為山東布政使司叅政兼按察司

僉事天津道

庚辰

遣廣東南湖史王昌胤巡按山西 教漢部落多

羅郡王固倫額駙班第入覲賜蟒袍等物 遣八
旗官共駐防順德濟南德州臨清徐州潞安平陽
蒲州八城每一旗分駐一城每城固山一大員滿
洲章京四員蒙古烏真超哈章京各二員兵丁各
六百名

辛巳

調陝西清軍道僉事徐養元為湖廣按察司僉事
提調湖北學政督糧道余事趙漁為湖廣按察司
余事提調河南學政

壬午

以訥廷弼為工部啟心郎法特哈為北城理事官
調吏部理事官朱瑪喇為戶部理事官 以鑲紅
旗烏真超哈甲喇章京柯汝極正黃旗烏真超哈
甲喇章京羅仁各管本固山梅章京事鑲黃旗烏
真超哈傅大受鑲紅旗烏真超哈佟榮羊王元桂
正黃旗烏真超哈伊哈納管甲喇章京事正白旗
滿洲固山岳達尼為噶布什賢章京 朝鮮固遵
諭解白米五萬七百八十餘石至

癸未

戶部覈鳳陽巡撫趙福星疏言南逃緡紳聞風向

化次第來歸均為

朝廷赤子何忍令其失業漂泊無依應免其籍後以
廣仁厚保有三意從之 升山西巡撫馬國柱為
兵部右侍郎兼都察院右副都御史總督宣大山
西等處軍務兼理糧儲 以故明叅政王璠為陝
西布政使司叅政兼按察司僉事清軍驛傳道僉
事衣惟孝為河南按察司僉事密雲兵備道調河
南管河道僉事張國泰為陝西按察司僉管督糧
道叅政事

甲申

工部請以修造故明崇禎陵餘銀更建享殿從之

乙酉

都察院言南京既改為江南省應增江南道御史
一員復巡視上江下江二差並設巡倉一差從之

遣湖廣御史何士芳巡視長芦鹽政

丙戌

禁投誠官員自叙章奏允通政司使請也

丁亥

以除服遣內大臣宗室祭

昭陵

戊子

賜攝政王多尔袞輔政王濟爾哈朗和碩肅親王
豪馬各一匹王等跪受入武英殿叩首謝恩出
上遣冷僧机巴哈謂攝政王曰凡遇朝賀大典朕受
王礼若此等小節不必行此大礼王曰
上羊幼冲臣不敢違礼俟

上春秋鼎盛凡有寵恩自不敢辞 招撫大學士洪
承疇疏報徽州一府夙負險阻故明翰林金聲甘
心悖逆陰結閩寇受唐王偽敕起鄉兵十餘万製
造鎧甲鎗砲等項分布山隘以拒我師臣奉貝勒

令會同固山額真葉臣等一面進勦一面分發告
諭宣揚

朝廷德意茲提督總兵張天祿同總兵卜位善李仲
興刘澤泳等由旌德縣進兵連破千餘寨馳至績
溪縣生擒金声并偽官四員俱斬于軍前師至徽
州駐營城外不令一兵入城出示安民肆市如故
嗣後撫緝招諭事宜俟再商確奏聞得旨覽卿奏
徽郡已經收復兵不入城秋毫無犯且見運籌制
勝紀律严明朕甚喜悦有功鎮將及任事文武各
官通着察明叙錄抚輯善後及招諭事宜俱所仰

商確便宜行該部知道

巳丑

遣廣東道御史鄧孚槐巡視上江廣西道御史
詒巡視下江

庚寅

免直隸寶坻縣荒地額賦

辛卯

外藩蒙古二十七固山頭目以問耗至京師宴賚
如例

壬辰

午刻日生左右珥上生背氣一道色青

赤 免山西太原等處災荒額賦

癸巳

定國大將軍和碩豫親王多鐸班師還京

上出正陽門于南苑北迎之陳設大轟纛千杆作樂率
諸王貝勒文武羣臣拜

天行三跪九叩頭禮畢

上泐幄諸王列侍左右大將軍和碩豫親王及出師
王貝勒各官朝見行三跪九叩頭禮和碩豫親王
起近

上前跪行抱見禮嗣承澤郡王碩塞亦近前跪行抱

見禮投誠諸王各官亦行礼公坐賜茶畢還宮

甲午

以故明僉事道韓文鏡為浙江按察司僉事分巡
杭炭道

乙未

禡鳳陽巡撫趙福星賤下刑部逮問以私官其弟
景星為守備故也

丙申 夜霧色蒼白

以故明鄖陽撫治苗昨土為都察院右僉都御史
巡撫南贛汀韶等處地方提督軍務

丁酉

刑部右侍郎提橋引疾乞休許之 時故明唐王

僭立福建魯王竊把浙江馬士英等兵渡錢塘至

杭州城十里立五營平南大將軍多羅貝勒克

德渾遣滿漢官兵進勦未至敬渡江去總督張存

仁總兵官田雄追斬五百餘級以投聞

乙亥 禮部言

圜丘

方澤

社稷三壇如遇

皇上親祀應始故明例增用牛一仍進

上豚肉福酒其迎神送神令鳴贊官贊唱遣官代祭

則止如祭

太廟雖親祭亦不增用牛不獻福豚不贊迎神送神

以

太祖神位前供獻牛肉須賜諸王貝勒從之

辛丑

授劉委總兵金聲桓為左都督充鎮守江西總兵

官

乙巳 疏刻霜附木

朝鮮國王李侖遣陪臣李興復等表謝祭世子恩

附貢方物宴賚如例 李侖又疏言世子李滢病

逝長孫稚弱病羸次子鳳林文君溟聰明孝友為

臣民所屬望乞伏誕澤誥命嗣封世子命所司詳

祭典例以聞 諭浙江總督張存仁曰各官之任

層屢飭盡忠勤戒毋得諂媚本王餽遺禮物尔或

未聞乃送尔本王緞二疋茶葉百斤今後勿復為

此 喀尔喀部落麻哈撒麻第汗遣使貢方物宴

賚如例 以察哈尔汗之子阿布鼐尚

太宗文皇帝第二女周倫公主

丙午

陞江南右布政司申朝紀為都察院右副都御史
巡撫山西太原等處地方湖廣叅政李翔鳳為都
察院右副都御史巡撫江西地方兼理糧餉江南
常州府知府蕭起元為都察院右僉都御史巡撫
浙江等處地方提督軍務

丁未

給故明德王朱由棧妃歲銀八十兩朱慈煇妃歲
銀六十兩侍女內役月給食米 賜故明寧南侯
左良玉葬地

戊申

上御殿以和碩豫親王多統鐸軍西征破流賊李自
成兵二十餘萬攻克潼關下西安等處又收服河
南進拔揚州渡江下江寧擒福王朱由松前後戰
敗水陸馬步敵兵凡一百五十餘陣江南浙江等
處悉平招撫文武官二百四十四員馬步兵三十
一萬七千七百名功加封為和碩德豫親王賜黑
狐皮帽貂皮朝服褂各一金五千兩銀五萬兩玲
瓏鞍漆鞍馬各一匹空馬八匹賜從征多羅承澤
郡王碩塞金二千兩銀二萬兩玲瓏鞍馬一匹空

馬四匹多羅貝勒尼堪博洛金各二百兩銀各一
萬五千兩漆鞍馬各一匹空馬各二匹恭順王孔
有德懷順王耿仲明貂裘蟒緞朝衣各一襲金各
一百兩銀各一万兩馬各兩匹固山貝子吞齊和
託尚善蘇章京公土賴金各一百兩銀五千兩鞍
馬各一匹輔國公杜爾祐特爾祐杜倫金各五十
兩銀各二千兩固山額真宗室拜尹圖金八十兩
銀四千兩鞍馬一匹固山額真公阿山金五十兩
銀三千兩鞍馬一匹固山額真佟圖額傳喇克塔
金各三十兩銀各一千五百兩蘇章京阿濟格尼

堪尚書宗室韓岱金各二十五兩銀各一千三百
兩并隨征各章京外藩台吉章京恭順懷順兩王
下章京等金銀各有差 命恭順王孔有德懷順
王耿仲明還盛京仍諭各局兵秣馬以俟調遣
公土賴啟揖政王曰

皇叔父王阿保

冲主効力甚多難以歷敘土賴効力

太宗王之所知今土賴于王亦犹効力于

太宗不避諸王貝勒等嫌惡見有異心不為容隱大
臣以下牛录章京以上亦不為隱其過惡土賴誓之

於天必盡忠効力土賴少有過失王若不言我惠
不遠我意必欲改過王幸毋姑息容之也 原任
陝西河西道孔聞諛言臣家宗子衍聖公孔胤植
已率四代子孫告之祖廟俱遵令薙髮訖但念先
聖為典禮之宗顏曾孟三大賢并起而羽翼之其
定禮之大莫要於冠服章甫縫掖為萬世不易之
程子孫五、守之自漢暨明制度雖各有損益独
臣家服制三千年未之有改今一旦變更恐於

皇上崇儒重道之典有未備也應否蓄髮以復本苛
衣冠統維

聖裁報曰薙髮者違者無赦孔聞諛疏求蓄髮已
犯不赦之條姑念聖裔免死况孔子聖之時似此
違制有玷聖祖着革職永不叙用

十一月己酉朔

諭朝鮮國王李侗曰今中外一統四海為家各國
人民皆朕赤子務令得所以廣同仁前有日本國
民人一十三名泛舟海中飄泊至此已赦所司周
給衣糧但念其父母妻子遠隔天涯深用憫惻茲
命隨使臣前往朝鮮至日爾可備船隻轉送還鄉
仍移文宣示俾該國君民共知朕意

庚戌

命原任副將都督同知胡章仍以都督同知充鎮守宣府總兵官原任宣府鎮標署付將劉永亨為遵化付將山東巡按李之奇荐奉故明翰林院編修劉正宗廣西道御史張懋禧疏下所司以征山東登城功授達納為半個牛录章京

辛亥

定冬至

郊祀齋戒及設玉帛祝文香亭儀注先期齋戒三日祭前一日將祝文玉帛香並亭俱送至以殿東設

香亭西設祝文亭玉帛亭中設祝文玉帛桌案設畢啟奉

上出宮立闕祝文闕畢傍立內院官捧祝文安置亭內行一跪三叩頭禮次安玉帛亦行一跪三叩頭禮安設畢

上向亭內上香行一跪三叩頭傍立將香亭設前祝文亭次之玉帛亭又次之俟三亭出

上還宮辰刻日半暈上有赤黃戴氣至巳方散以右都督祖可法為左軍都督府左都督充鎮守湖廣總兵官以副將趙榮貴為都督同知充征勦

四川等處總兵官

壬子 冬至祀

天子

圜邱遣戶部尚書英俄尔岱行礼 以京城出痘者
衆免行慶賀礼 改浙江提督張存仁為兵部右
侍郎兼都察院右付都御史提督浙江福建軍務
兼理糧餉陞河南巡撫羅繡錦為兵部右侍郎兼
都察院右付都御史提督湖廣四川軍務兼理糧
餉 賜提督孟喬芳楊芳與王文奎張存仁馬國
柱陳錦羅繡錦貂皮袍褂各一襲巡撫焦安民雷

典丁文盛貂褂羊裘各一襲 調天津道付使張

璘然為江西按察司付使提督學政以戶部主事

李際期為浙江按察司余事提調學政 定乳公

滿都禮邁堪品級與牛永章京同內三庫物林大

六員副尚膳官一員尚茶官一員及掛政王下包

衣大六員阿敦大二員司膳官一員和碩親王下

包衣大四員阿敦大二員司膳官一員多羅郡王

下包衣大三員阿敦大一員司膳官一員俱為六

品

御前管理銀鈔鑄匠官六員及掌鞍官一員掛政王

下物林火三員和碩親王多羅郡王下物林火各
二員俱為七品攝政王多羅郡王下管理銀鉄
匠官各三員掌鞍官各一員收牛羊官各二員俱
為八品

壬午

都察院叅政多尔机達尔漢諾顏庫尔彈等奏言
向來

皇叔父攝政王入朝行王礼出朝行君臣礼窈見十
月二十日常朝輔政叔王於

皇叔父攝政王入朝後方至三十日慶賀大宴輔政

叔王及貝子尚善又於

皇叔父攝政王到後方至揆之于理輔政王及諸王

貝勒應于父王未到以前齊集令臣等見輔政叔

王後父王至者業已二次似局不合臣等本在言

諾謹行奏聞疏入得旨尔等所奏誠是但此項原

未曾定不必議罪

癸丑

故明閣部王應然与巡抚龍文光提兵列鎮藩屢
敗猷賊又招抚保寧都司張法柱應熊遣任更律
等順賜更律等鞍馬衣帽等物

甲寅

升河南布政使司參議吳景道為都察院右副
都御史巡撫河南等處地方提督軍務兼理河道
命甲喇章京巴山為左翼梅勒章京康喀賴為
右翼率兵鎮守江寧仍諭平南大將軍多羅貝勒
勒克德渾鎮國將軍宗室鞏阿岱固山額真業臣
等曰今命梅勒章京巴山康喀賴率領官兵前去
鎮守江寧提督洪承疇亦令至駐江寧再令前征
杭州朱瑪喇何托等率所部滿洲蒙官兵駐防杭
州爾貝勒克德渾鎮國將軍鞏阿岱固山額真
業臣可將朱瑪喇等原帶擺牙喇官兵及科爾沁
國官兵五百員名烏真超哈官兵二百員名并前
駐防江寧官兵率往湖廣武昌府勦流寇餘孽一
隻虎等侯巴山到日起程其所勦之賊若敗遁難
進當卜地屯兵速遣人馳奏應否進勦侯旨定奪
尔等武昌令佟代將提督事務付与新督羅繡錦
即率所部官兵來京提兵祖可法駐防武昌

丙辰

以卽昆輔為戶部理事官 以高登第為兵部啟
心卽代納為西城理事官 以鑲紅旗滿洲固山

擺牙喇甲喇章京哈爾薩為噶布什賢章京正白
旗滿洲固山噶布喇巴為魯正黃旗滿洲固山阿
爾山喀木為鑲紅旗滿洲固山壯大薩赫敦為擺
牙喇甲喇章京 先是正黃旗滿洲固山額真譚
泰以罪解固山額真任至是命復為本旗固山額
真 以鑲紅旗蠱章京東爾布為議政大臣

丁巳

科爾沁國和碩福妃和碩賢妃及和碩卓禮克為
親王吳克善等歸國命輔政王濟爾哈朗等郊送
之

己未

禮部言朝鮮國世子襲封查有兄終弟及之例今
其國王李侖請以次子李湜承襲相應以湜襲封
議上命封李湜為朝鮮國王世子遣內翰林弘文
院大學士和充格為正使禮部郎中朱世器戶部
主事谷爾馬渾為副使賚勅誥往其國仍賜湜織
金綺絲紵羅各四表裡敕諭朝鮮國王李侖曰朕
惟承家繼體國有常經立長擇賢須孝羣志順人
情而置主器亦有國之通義也近得王奏請封世
子緣長孫稚弱本國臣民議欲立次子李湜王不

敢專請命于朝其見確守忠敬事下該部察覈特
賜俞允命翰林院大學士初充格禮部郎中朱世
器戶部主事谷爾馬渾賈捧勅誥并織金貯絲紉
羅等物前去封悞為朝鮮國王世子念王屏翰東
方夙昔忠順惟賢是建允協輿情今既立世子王
宜宣茲彛訓俾克續承以寧邦國毋數朕命欽哉
故諭賜李悞誥曰皇圖遠馭建屏翰于庶邦侯服
承家紹箕裘于奕世象賢攸賴德號宜頒爾李悞
乃朝鮮國王李倣之次子溫茂克成恭孝靡忒惟
爾兄之即立倫序應及童孫念王器之得人賢長

莫如立弟是用特允爾父所請封爾為朝鮮國王
世子錫之誥命於戲守其七卷毋忘執玉之心奉
爾山河克荷祈新之業爾其欽哉勿替朕命

癸亥

宴外藩蒙古台吉等於禮部以從和碩德豫親王
多鐸出疆有功也以和碩德豫親王多鐸等招
降公侯伯總兵副將叅遊官三百七十四員撥入
八旗予殉難江南通州署知州李翹署海門知
縣李都產署如皋知縣馬漸輦祭葬恭興縣署縣
丞景文瑞署主簿徐必遇各祭一壇

乙丑 辰刻大霧色蒼白

丁卯

平南大將軍軍多羅貝勒、克德渾奏報左翼梅勒章京朱瑪喇等敗偽總督馬士英于餘杭右翼梅勒章京何托等敗偽總兵方国安于富陽斬偽付將二員偽恭進五員及西翼會合回兵于杭州三十里突遇賊兵復大敗之後馬士英方国安渡錢塘窺杭州守杭州梅勒章京濟席哈同總督張存仁總兵田雄等率領官兵擊敗之溺江死者無算 欽天監、正湯若望以修補新曆全書告成

恭進

御覽

戊辰

遣左翼固山額真巴顏右翼固山額真墨勒根蝦等率官兵往陝西會同駐防西安內大臣何洛會等勦四川命何洛會為定西大將軍賜之勅諭、曰今授尔何洛會為掛印定西大將軍合兵一處會勦四川因時制務、輯殘黎倘送我顏急行征討若賊既敗道慎勿窮追勞我師衆期于蜀省底定百姓乂安至于屯駐大屯尤當相度地利不時

馳奏請旨定奪仍由總督孟喬芳併滿洲蒙古兵各二百名駐劄西安以資防禦 下詔招抚四川逆賊張獻忠仍頒諭四川城堡營衛文武各官及軍民人等詔曰明祚衰微臣奸政舛人心危解國祚淪亡今天下一統率土臣民皆朕赤子張獻忠前此擾亂皆明朝之事固遠在一隅不聞朕撫綏招徠之旨是以歸順稽遲朕洞見此情故于大兵之前特遣官賚詔招諭方今有志之士皆欲爭先歸順建立功業張獻忠如審識天時率衆來歸自當優加擢叙世世子孫永加富貴所部將領頭目

兵丁人等各始次第陞賞倘遲延疑惑不早迎降大兵一進悔之無及特茲詔諭想宜知悉諭曰近見尔等遭茲寇難坐卧靡寧今起大兵掃除禍亂拯民水火之中又安天下非好兵而樂戰也尔等但脩辦糧草賚送軍前此外秋毫不擾城市村庄人民各始常安居貿易毋得驚惶凡文武官員兵民人等不論原屬流賊或為流賊逼勒殺降者若能歸順我朝仍准錄用倘拒抗不服置之重法以妻子為奴開誠投順者加陞一級恩及子孫有能擒獻賊渠將佐者論功優賞永同帶砺今求賢若

渴凡有深識天人及懷才抱德之士亟宜奮起共
立功名遲疑失時噬臍無及山西巡按黃徽胤
言故明殉難巡撫蔡懋德當廷賊渡河知勢不能
為自縊身死總兵周遇吉日夜血戰殺賊踰萬及
矢石已窮被賊磔死布政使趙建樞抗節罵賊碎
首亦下糧道蒲劄中矢志守城沒容就義守寧道
毛文炳捐身殉國萬鏞不避巡寧道畢拱辰壯志
吞賊殺身報國寧武道王胤懋矢盡砲竭城破遇
害知府孫康周擊傷多賊城破盡節同知李之清
參信調度城陷身死中路同知吳鉉竭力堵禦城
破遇害知縣房之屏從容就義後并捐軀皆宜旌
表以鼓忠烈下所司知之

已已

平西王吳三桂奏臣受前朝知遇家厚罔欲報仇
於故主乃歸命于

新朝今既矢忠於

新朝又何忍忘恩於故主恭荷

聖恩修葺崇禎帝陵臣敬捐銀一千兩仰佐陵工更
祈念臣之父母並繼母祖氏及第三輔俱死寇難
乞從優賜卹庶臣戡子心兩得自展疏入命助工

銀兩照教察收應得卹典詳議具奏

庚午

山西巡按黃徽胤疏荐故明侍郎程起南張宸極御史張煊張懋德裴希度張慎學王國柄等下所司知之順天提學御史曹溶疏稱遼東十五學迂隨入關橋居失業學問久荒今逢考監大典設寬取百人就近教育仍勅監臣從優考課減月積久為天子勸又言本

朝教化方隆流寓士子俱准北闈鄉試今場事已竣或特准送監以充太學或令寄籍近畿一体俟試

俱下所司議

士申

順天提學御史曹溶循例列舉忠孝節義請久別褒卹旌表忠臣故明大學士范景文刑部侍郎孟兆祥與子進士孟章明太僕寺丞申佳胤兵部郎中成德主事金鉉駙馬鞏永固新樂侯刘文炳保坻徐標大名道朱煥保定知府何復同知卞宗元付將賀讚光祿寺少卿張羅彥進士張羅後武進士張羅輔御史金毓炯給事中尹洗流賊破城時或自縊或赴水或不屈被害孝子魏縣民徐基

無極縣生員既然趙冀州民趙應泰贊皇縣貢生
胡藥嬰順義縣生員吳心傳武邑縣生員袁銘順
義縣生員張維忠或居喪尽哀或善事繼母或孝
侍親疾或脫母于難義士滑縣奉人王良翰程見
同濟縣舉人李弘宗永年縣生員孟紳雲饒陽縣
生員李若粹賊入城時或自縊或不屈節婦南樂
縣生員李之瑜妻端氏滑縣生員縱組妻禹氏濬
縣民周誠和妻恭氏內黃縣內民徐待價妻王氏
咸縣民張維才妻王氏清河縣生員吳守節妻宮
氏靈壽縣民曹自盛妻侯氏高邑縣生員張羅賢

妻董氏冀州民王宗周妻竇氏天津衛民朱廷桂
妻李氏俱青年守節或孝事舅姑或訓子成立疏
入下所知之 山東巡按李之奇疏荐故明大學
士范復粹等三十一員回濫及資卹切責之

癸酉

以李成棟為都督同知充鎮守吳松總兵官

乙亥

內大臣何洛會陝督孟喬芳奏稱故明秦王有子
二人其一見在西安一為土賊所擒今將見在
者送京 平西王吳三桂奏進所屬蒙古壯丁男

婦共二千五百八名口

戊寅

招撫江南大學士洪承疇疏荐故明南京翰林卿
寺科道部局寺官黃文煥等一百四十九員堪備
任用下所司速議 洪承疇又疏言故明左中允
黃文煥見任常鎮道李景廉堪任南祭酒司業等
官給事中蔣鳴玉錢源御史夏繼虞主事魯近進
費道用留備地方緊要之用即中葛含馨耿章光
員外李之駁主事余尚春武備等堪任銓司科道
給事倪嘉慶陸朝應俟病痊起補侍郎梁雲構初

蓬吉寺丞刘光斗皆堪大任下所司久別議用祭
酒司業免設 陞大理寺卿房可壯為刑部左侍
郎補故明江西道御史楊四重為江南道監察御
史 以故明總督王永吉為大理寺卿 以委署
三邊總督陳之龍為都察院右僉都御史巡撫鳳
陽等處地方贊理軍務 陞山西叅政遲交龍為
江西布政使司右布政使河南汝寧府知府線緒
為本省布政使司右布政使兩淮運使周亮工為
藩布政使司叅政兼僉事揚州兵備道長芦運使
康萬民為江西布政使司叅政兼僉事清軍駙傅

直隸大名道副使楊毓楫為江西布政使司叅政
久守南昌道山西叅議張於恭為江西按察司付
使兼叅議管右布政司事直隸順府知府金震岳
為江西按察司付使兼叅政久守嶺北道山東萊
州府知府黃紀為山東按察司付使天津餉道山
西大同府知府董天札為陝西按察司付使兼叅
議久守閩南道北直霸州道僉事劉芳久為浙江
布政使司叅議督糧道直隸懷陰道僉事楊千古
為浙江布政司使叅議兼僉事屯田水利道戶部
郎中陳兆珂為山東布政使司叅議兼僉事久巡

懷來道戶部郎中李鍾秀為湖廣布政使司叅議
兼僉事上江兵備道工部郎中周漢傑為浙江按
察司僉事叅議久守金衢道戶部員外王維祖為
江西按察司僉事久巡南昌道以署道事中書
舍人趙文蔚為河南按察司付使兼叅議久守河
南道遼東生員朱廷慶為兩淮都轉運鹽使司運
使調直隸井陘道付使劉自絃為浙江按察司
付使管按察使事山東叅議湖福弘為江西布政
使司叅議兼僉事管按察司事先是吏科給事中
孫襄請以順治三年肇奉朝覲大計疏下吏部

都察院察例至是部院議明年正月為期太迫宜寬至三月奉行得旨順治三年雖計期但各省初定設官尚未滿任姑緩朝覲遲至四年舉行故明淳山縣貢生齊國賢當闖賊入寇謗之降國賢厲声曰我讀書二十年肯從汝作賊耶賊焚其室殺其族人引刀斬其髮國賢罵益急賊怒支解之後賊詢里人咸以德行告賊悔其牲醴跪祭令里人瘞之介休縣生員喬遷聞闖賊拷掠鄉紳強逼投賊不勝憂憤一日謂母曰見父為先朝重臣清白著声兒豈甘心從賊母曰尔可多隨僕從遠道

京師遷曰見道去禍必及母願送母遠避山寨母匿山中翌日省母还賊忽破城執遷索賂遷抗不屈厲声大罵賊怒火烙以死汝陽縣生員楊正春被賊執使飲馬正春曰是辱我也薄暮逸出其衣冠入孔廟瞻拜痛哭投井死淳山縣生員高象先見賊用非刑慘毒不勝憤恨面斥罵之賊怒綑縛副死汝陽縣民賈守亨少習騎射及賊入汝境人爭出迎守亨独不許賊入其室守亨手執大馬与之鬪連斃數賊知勢不能敵拔刀大叫剖腹而死故明慶城府宗室朱敏濛縛見李自成左右強之

疏敏濛不可自成令猝下敏濛大罵賊爭批其頰
裂股而死蒲州民王應寵鄉官韓于宣之僕也見
主死与其妻薛氏陳氏整衣冠為位題曰明小民
三人同時自縊山西巡按黃胤徽疏列以聞下所
司知之

卷之二十一終

